



**KERAJAAN SERI PADUKA BAGINDA
MALAYSIA**

PEKELILING PERKHIDMATAN BILANGAN 18 TAHUN 2000

IMBUHAN TAHUNAN 2000

TUJUAN

1. Pekeliling Perkhidmatan ini bertujuan melaksanakan keputusan kerajaan untuk memberi Imbuhan Tahunan kepada anggota perkhidmatan awam persekutuan bagi tahun 2000.

LATAR BELAKANG

2. Kerajaan telah membuat keputusan supaya Imbuhan Tahunan bagi tahun 2000 dibayar kepada anggota perkhidmatan awam persekutuan sebagai tanda keprihatinan kerajaan dengan kebajikan mereka. Pembayaran ini adalah untuk meringankan beban perbelanjaan anggota perkhidmatan awam khususnya yang berpendapatan rendah lebih-lebih lagi pada penghujung tahun, di mana mereka terpaksa membuat berbagai persiapan dan perbelanjaan terutamanya bagi persekolahan anak-anak. Kadar yang diputuskan adalah sebanyak setengah bulan gaji atau minimum RM500.00.

PELAKSANAAN

Anggota Yang Layak

3. Imbuan Tahunan dibayar kepada anggota tetap (anggota di bawah Sistem Saraan Baru dan Jawatankuasa Kabinet 1976), sementara, sangkut, sambilan, kontrak (termasuk anggota bagi projek khas Kerajaan) dan guru sandaran yang berkhidmat dalam tahun 2000.
4. Anggota lain yang layak Imbuan Tahunan adalah seperti berikut-
 - a. anggota yang bercuti separuh gaji termasuk cuti belajar;
 - b. anggota yang dikenakan hukuman tata tertib seperti berikut:
 - (i) amaran untuk anggota awam;
 - (ii) amaran atau amaran keras untuk anggota Angkatan Tentera Malaysia;
 - (iii) amaran untuk Anggota Kanan Polis, Polis DiRaja Malaysia dan celaan atau celaan keras untuk Anggota Rendah Polis dan Konstabel serta Anggota Rendah Polis dan Konstabel Tambahan.
 - c. pemandu yang dilantik oleh anggota Jawatan Utama 'B' dan ke atas serta Gred Khas 'A' yang layak pemandu tetapi tidak disediakan pemandu oleh Jabatannya; dan
 - d. anggota kontrak yang putus perkhidmatannya semalam satu hari sebelum disambung semula perkhidmatan kontraknya.

Anggota Yang Tidak Layak

5. Anggota yang berkhidmat dalam tahun 2000 tetapi tidak layak Imbuan Tahunan adalah seperti berikut-
 - a. anggota dalam Kumpulan Pengurusan Tertinggi dan setaraf;

- b. anggota kontrak yang bergaji lebih daripada RM5,478.00 yang dianggap setaraf dengan anggota dalam Kumpulan Pengurusan Tertinggi;
- c. anggota yang mengambil cuti tanpa gaji sepanjang tahun 2000
- d. anggota yang dikenakan hukuman tatatertib selain daripada hukuman-hukuman yang dinyatakan di perenggan 4 b(i), (ii), dan (iii);
- e. anggota yang berkhidmat di agensi yang diasingkan pengurusan saraannya;
- f. anggota yang dipinjamkan ke badan-badan antarabangsa dan syarikat swasta sepanjang tahun 2000; dan
- g. anggota yang ditamatkan perkhidmatan demi kepentingan awam atau dibersarakan atas kepentingan perkhidmatan awam dalam tahun 2000.

Anggota Yang Ditangguhkan Pemberian Imbuhan Tahunan

- 6. Anggota yang ditahan kerja, digantung kerja atau surat pertuduhan sudah dikeluarkan oleh Pihak Berkuasa Tatatertib, ditangguhkan pemberian Imbuhan Tahunannya. Anggota hanya layak dibayar Imbuhan Tahunan sekiranya Pihak Berkuasa Tatatertib mendapati anggota tersebut tidak bersalah atau anggota hanya dikenakan hukuman tatatertib seperti yang dinyatakan di perenggan 4 b(i), (ii), dan (iii).

Kaedah Pembayaran

- 7. Kadar Imbuhan Tahunan adalah sebanyak setengah bulan gaji atau RM500.00 bagi anggota yang menerima gaji RM1,000.00 sebulan dan ke bawah.
- 8. Bayaran Imbuhan Tahunan dibuat secara **penuh** bagi anggota yang berkhidmat selama 12 bulan mulai Januari hingga Disember 2000.

9. Manakala bagi anggota yang berkhidmat kurang daripada 12 bulan pada tahun 2000, bayaran Imbuan Tahunan adalah dibuat secara *proportionate* berdasarkan gaji akhir diterima pada tahun 2000.
10. Bagi tujuan pembayaran Imbuan Tahunan, maksud gaji anggota adalah termasuk juga perkara-perkara berikut-
 - a. Elaun Pemangkuan bagi anggota yang memangku;
 - b. Gaji yang diberi atas sebab pinjaman bagi anggota yang dipinjamkan;
 - c. Pendahuluan gaji lapan peratus dan sepuluh peratus, jika ada, bagi anggota di bawah Jawatankuasa Kabinet 1976.
11. Anggota yang bersara/ meninggal dunia/ letak jawatan / tamat perkhidmatan/ tamat kontrak, tempoh perkiraan Imbuan Tahunan secara *proportionate* adalah mengikut genap satu bulan perkhidmatan berdasarkan gaji akhir yang diterima.
12. Tempoh anggota tidak dibayar gaji sepanjang sesuatu bulan tidak diambilkira dalam perkiraan Imbuan Tahunan. Bagi anggota yang bercuti tanpa gaji, tempoh perkiraan Imbuan Tahunan secara *proportionate* adalah mengikut genap satu bulan perkhidmatan.
13. Anggota yang bersara dalam tahun 2000 dan dilantik semula sebagai anggota sementara atau anggota kontrak, dibayar Imbuan Tahunan secara *proportionate* mengikut genap satu bulan perkhidmatan berdasarkan gaji akhir yang diterima sebelum bersara, dan gaji atas jawatan sementara atau kontrak.
14. Anggota yang dinaikkan pangkat/ dipinjamkan/ ditukar sementara atau bertukar skim perkhidmatan selepas 1 haribulan pada sesuatu bulan, perkiraan Imbuan Tahunan bagi bulan itu dan tempoh sebelumnya hendaklah dibuat secara *proportionate* berdasarkan gaji jawatan lama. Bagi tempoh selepas sebulan berkenaan perkiraan hendaklah dibuat secara *proportionate* berdasarkan gaji jawatan baru.

15. Bagi anggota sambilan, perkiraan genap satu bulan perkhidmatan adalah dengan syarat mereka bekerja tidak kurang daripada 21 hari dalam sebulan kecuali 19 hari dalam bulan Februari 2000.
16. Bayaran Imbuan Tahunan kepada guru kelas Al-Quran dan Ain (KAFA) ditetapkan pada kadar sebanyak RM125.00 bagi mereka yang genap 12 bulan perkhidmatan, setelah mengambil kira masa bekerja mereka yang kurang berbanding masa bekerja seorang guru sekolah. Bayaran Imbuan Tahunan bagi anggota yang tidak genap perkhidmatan adalah dikira secara *proportionate*.
17. Imbuan Tahunan ini tidak boleh diselaraskan jika berlaku pelarasan gaji selepas tahun ini yang melibatkan pindaan gaji anggota pada tahun 2000.
18. Anggota yang layak akan dibayar Imbuan Tahunan dalam bulan Disember 2000.
19. Contoh pelaksanaan Imbuan Tahunan adalah seperti di **LAMPIRAN**.


JABATAN YANG MEMBAYAR IMBUHAN TAHUNAN

20. Bagi anggota yang berkhidmat di beberapa Jabatan, pembayaran Imbuan Tahunan adalah menjadi tanggungan Jabatan di mana anggota ditempatkan pada bulan pembayaran.
21. Pekeliling Perkhidmatan ini berkuatkuasa mulai tarikh ianya dikeluarkan.

PEMAKAIAN

22. Tertakluk kepada penerimaanya oleh pihak berkuasa masing-masing. Pekeliling Perkhidmatan ini pada keseluruhannya dipanjangkan kepada semua Perkhidmatan Negeri, Pihak Berkuasa Berkanun dan Pihak Berkuasa Tempatan.

“ BERKHIDMAT UNTUK NEGARA ”



(TAN SRI DATO' SAMSUDIN BIN OSMAN)

Ketua Pengarah Perkhidmatan Awam
Malaysia.

JABATAN PERKHIDMATAN AWAM
MALAYSIA
KUALA LUMPUR

14 Disember 2000

Semua Ketua Setiausaha Kementerian

Semua Ketua Jabatan Persekutuan

Semua Y.B. Setiausaha Kerajaan Negeri

Semua Pihak Berkuasa Berkanun

Semua Pihak Berkuasa Tempatan